



Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqquq imaattoq saqqummiuppara:

Naalakkersuisunut apeqquq:

- 1. Naalakkersuisut Namminersorlutik Oqartussallu suliffeqarfiutaanni attartukkat tigummineqartut realkreditlåninik taaneqartartut tamarmik katillugit qanoq annertussuseqarpat?**
- 2. Apeqquq 1-imi attartukkat eqqaaneqartut erniat %-iinut assigiinngitsunut qanoq agguataaqqappat?**
- 3. Ullumikkut realkreditlåninut erniaritinneqartumut Naalakkersuisut Namminersorlutik Oqartussallu suliffeqarfiutaasa realkreditlånitut attartugaasa allanngortinneqarnerini aningaasat qassit sipaarneqarsinnaappat imaluunniit annaaneqarsinnaappat?**
 - a. Allanngortitsinermi aningaasartuutit qassiussappat?**
 - b. Allanngortitsinermi siunissami aningaasat sipaarumaagassat qassiuppat?**
- 4. Massakkut Naalakkersuisut, Naalakkersuisut Namminersorlutik Oqartussallu suliffeqarfiutaanni realkreditlånitut attartukkani erniaareersuniit ernianut annikinnerusunut allanngortitsinissamik siunertaqarpat?**
 - a. Siunertaq qanoq isikkoqarpa?**

(Inatsisartunut ilaasortaq, Anthon Frederiksen, Partii Naleraq)

Tunngavilersuut:

Ukiuni makkunani pisortani aningaasartuutikillisaaneq pileruttorpoq.

Taamatut ilioriuseqarnerup anersaavani aningaasartuutininik annikillisaaviusinnaasut ujartorneqarnerisa eqqartornissaat peqataaffigerusupparput.

Tamatta ataasiakkaarluta aningaasartuutikillisaavigerusutagut assigiinngitsuupput, silatusaarnerussaarlutit pissakinnerpaat ulluinnarni inuuniarnermikkut artorsareersut

ukkappallaarnagit, pisortani aningaasartuuteqariutsit iluini pissuserineqartut ullumimut naleqqunnerusunngorlugit inississornissaat eqqartornerugutsigu.

Periarfissat assigiinngitsut misissuiffigalugit paasissutissartaanik amigaateqarnerput aallaavigalugu apeqquteqaammi tunngavilersuivugut.

Aningaasartuutikillisaanissap aningaasartuutikillisaanerup aqqa kisiat aallaavigalugu ingerlanneqannginnissaa partii naleqqamit angorusupparput.

Ullut suliffiit qulit qaangiutinnginnerani akineqarnissara kissaatingaara.